

آبونه اولقی ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرنندن بر مجیدیه اخذ
ایدیلور

نسخه سی ۴۰ پاره در

فکرانک

سنه لکی در سعادت ایچون مجیدیه
یکرمی غروش حسابیه التمش
غروشدر

مشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

تجربیات

پایه ولایتی مرکز تجارت محکمه سی ریاسته
جده تجارت محکمه سی رئیس بهاء الدین وجده تجارت
محکمه سی ریاسته یافه تجارت محکمه سی ریاستندن
منفصل رفیق افندیلر تعیین بیورلش ومومی الیها
محلف بولمشلردر .

تغییر و تحوّل

پروژه و برات سنجاقلری بدایت محاکمی
اعضاسندن یورغاک ونیقولاکی افندیلرک بجایش
مأموریتلری اجرا قلنمش ومومی الیها محلف
بولمشلدر .

محاکمات و مقدمات

محکمه تمیز حقوق دائره سندن تنظیم واعطا
اولنان اعلامدر :

کرماسقی قصبه سنده مقیم دکرمنجی نظیف وشریکی
بقال ابراهیم اغالر ایله کرماسقی قصبه سی اهالیسی بینده
متحدث دعوایه دائر کرماسقی بدایت محکمه سندن
۱۶ اغستوس سنه ۳۱۶ تاریخ و ۲۱ عددی ایله
ویریلان اعلام مرقومان نظیف و ابراهیم اغالر طرفندن
تمیز اولمغله باش مدعی عمومیلک مأموریت علیه سنک
مطالعه نامه سی الندقدن صکره اعلام مذکور اوزرینه
طرفینک اعتراض وجواب لایحه لرله برابر تدقیقات
تمیزیه اجراسنه ابتدار اولندی .

اعلام مذکورک خلاصه مآلی کرماسقی قصبه سنک
اورته سندن جریان ایتکده اولان نهرک اتصالنه
مرقومان ابراهیم و نظیف اغالر دقیق دکرمانی و حرق
احداث و مذکور نهرک مجراسنی سد ایده رک صولرک

تراکم ایتسندن دولای سبزه باغچه لرینه ضرر ایقاع ایتکده
اولدقلرندن بحثله ضرر واقعک رفع و ازاله سی قصبه مذکوره
اهالیسندن ارسن افندی طرفندن طلب ودعوی اولمسنه
قارشو مدعی علیهما مرقومان ابراهیم و نظیف اغالر دخی
مومی الیه ارسن افندی اون سنه مقدم اشبو دعوائی
بلدییه دائره سنه وکالة اقامه ایتمش اولدیغندن بوکره
دخی نفسنه مضاف قیلهرق اقامه ایتمش تناقض دعوائی
موجب بولنمش اولدیغنی و بناء علیه کندولرینه قارشو
خصوصت توجه ایتیه جکسندن دعوانک ردینی مدافعه
انبا ایتمش اوزرینه بالتذکر مدعینک مقدمات بلدییه نامه
وکالة دعوی ایتدیکی برخصوصی بوکره بالذات دعوی
ایتمسی یکدیگری متناقض ایسه ده هرایکی ادعانک
اهالی عمومیه به تعلق حسبله اومیانده مدعینک دخی
حق دعواسی اولدیغنی اکلشلمغله مدعی علیهما ناک
بویابده کی مدافعه لرله شخص ثالث صفتیه دخول
فی الدعوی عرضحالی اعطا ایدن طویچی اوغلی محمدعلی
ایله رفقاسنک بشقه بشقه رأساً اقامه دعوی ایتک اوزره
زد ادعالرینه قرار ویرلدکن صکره جریان ایدن
محاکمه وکشف و تدقیقات نتیجه سنده مذکور نهرانهار
غیرمملو کدن اولوب بر باشند دیگر باشنه قدر بند
انشاسیله سدی قایق سیرینه مانع اوله جنی جهته
غیر جائز بولندیغندن و مهندسک راپورنده هر تقدیر
قایق سیرینه امکان کوسترلمش ایسه ده مذکور راپور
مجله ناک بیک ایکی یوز التمش بشنجی ماده سنه موافق
اولمادیغندن مدعی علیه رک صورت آخرله یعنی غیره
ضرر ویرمه جک صورتده دره کنسارندن دکرمنه
صوکتیرمکه حقاری باقی قالمق اوزره دره ناک برطرفندن
دیگر طرفنه قدر تمتدا اولان بندک هدمیه رفغه حکمدن
ومستدعی تمیز ابراهیم و نظیف اغالرک اشبو حکم
علیهنده لایحه لرنده محررباشلیجه اعتراضلری مذکور
دکرمن مضررتی دعوی اولنان بند واسطه سیله یکرمی
سنه نی متجاوز زماندنبرو صوالمق صورتیه دوران
ایتکده اولدیغنی حالده مذکور دکرمانک کاملاً معطل
قالمسنی انتاج ایده جک صورتده بندک هدم و رفغه حکم

اولمسنی و مجله جلیله ناک ماده مخصوصه سی موجب
انهار غیر مملو کدن سائر ضرر ویرمه جک صورتده
هرکسک انتفاع ایده بیله جکی درکار اولوب شوالده
مذکور دکرمنک معطل قاله جق درجه ده سالف الذکر
بندک بتون بتون هدمی لازم کلیوب طرفینک حق
انتفاعلری کوزه دلسی اقتضا ایده جکی و اساساً هیئت
کشفیه و مهندس طرفندن ویریلان راپورلرده
دکرمنک هیئت حاضره سنده دورانیله برابر ایقاع اولنان
مضررتک صورت رفقی قایق سیری کی آخرک انتفاعی ده
تعیین و تأمین ایدلدیکی حالده حکم واقعک اشبوراپورلر
خلافه اوله رق ویرلمسی مغایر قانون بولندیغندن بحثله
اعلامک تقضی استدعاسندن و لایحه جوابیه مؤداسی
دخی درمیان اولنان اعتراضاتک غیر وارد ایدوکی
بیانندن و سالف الذکر مطالعه نامه مآلی ده سرد اولنان
اعتراضاتک وارد اولمادیغنی طلبندن عبارتدر .

ایجابی لدامذاکره اعلام مذکور مآلندن مستبان
اولدیغنی اوزره بوکی انهم ارعاهه دن کمسنه به ضرر
ویرمامک شرطیه هرکسک انتفاع حق بولندیغنه
کوره میز لر طرفندن واقع اولان صورت انتفاع
مدعیلره مضر اولنجه بوضرک ازاله سی انشایتدکاری
سدلرک کلیاً رفغه می متوقفدر یاخود مهندسک
راپورنده کوسترلدیکی اوزره قسماً تعدیلات اجراسیله
ضرر واقعک دفعی قابلمیدر بوجهت لک تدقیق ایدیلهرک
قسماً اجرای تعدیلات ایله ازاله ضرر ممکن اولور
ومدعیلر دخی بوسورته موافقت ایدرلرسه اکا
والا بالکلیه هدمه حکم ویرلمک لازم کلیرکن بوجهت لک
تدقیق ایدلمکسزین بالکلیه هدمه قرار ویرلمسی یولسز
ومغایر قانون اولدیغندن اصول محاکمه حقوقیه قانونک
ایکی یوز او توز ایکنجی وایکی یوز قرق برنجی ماده لری
موجبجه اعلام مذکورک تقضیه قانون مذکورک
ایکی یوز قرق درنجی ماده سنک فقره اولاسی حکمنه
توفیقاً کیفیتک بروجه مشروح تکرار بالرؤیه اعلامه
ربطی ضمنده محکمه مذکوریه اعاده سنه ۲۷ مایس
سنه ۳۲۴ تاریخنده متفقاً قرار ویرلدی .

محکمه تمیز استدعا دائره سندن تنظیم واعطا اولنان اعلامدر :

جانیک سنجائی بدایت محکمه سی جزا دائره سندن صادر اولوب ۱۹ مارت سنه ۳۱۹ تاریخده تفهیم قتلان قرار ی ناطق ۱۱ جزیران سنه ۳۲۲ تاریخی وسکر یوز اوتوز طقوز عددلی اعلامک تمیزاً تدقیقی مستدعی محکمه مذکورده مدعی عمومیکسندن ویریلان استدعای نامه ایله اوراق متفرعه سی باش مدعی عمومیک مأموریت علیه سنک ۲۵ تشرین ثانی سنه ۳۲۲ تاریخی تبلیغ نامه سیله محکمه تمیز استدعا دائره سنه تدوین اولمش ولدی التدقیق استدعای مذکورک مدت قانونیه سنه موافق اولدینی اگلا شلمش اولدیغندن بالقبول تدقیقات تمیزیه اجراسنه ابتدار قلندی .

اعلام مذکورک خلاصه مالی طوماس اوغلی سرکزی قتل قصدیه جرح ایلدیکی ادعاسیله جانبته اتهام اولنان اکنمیک قریه سندن مهاجر شیرین اوغلی امرول بن رشیدک اجرا قتلان محاکمه سی نتیجه سنه مظلون مرقوم امرولک مزروعات اتلافندن طولانی منازعه ایده رک مرقوم سرکزی طابعه قورشونیه جرح ایلدیکی کندوسنک تأویلاً واقع اولان اقراری وتحصیلدار علی افغانک مع القسم اخباری ورایور مندرجاتی ایله ثابت اولمش وجرح واقعت قتل قصدیه مستند اولدیغنی تأیید ایدر ادله و امارات کوریه میوب بنابرین متهم مرقوم امرولک سرکزک یکرمی کوندن زیاده خسته نفسی موجب اوله جق درجه ده عادیاً جارحی اولدینی احوال مبسوطه ایله متحقق بولنش اولدیغندن جزا قانوننامه همایونک یوزیتش سکرنجی ماده سی حکمنه توفیقاً جرحک آلت ناریه ایله ایقاعی وطابعه سنک ایکی دفعه انداخت اولنسنک سبب شدت عدلیه مرقومک برسنه مدتله حبسنه حکم اولندیغندن عبارتدر .

لایحه تمیزیه ده متهم مرقوم طرفندن ایقاع ایلدیکی ثابت اولمش اولان جرح مذکورک آلت ناریه ایله ایقاعی وطابعه سنک دخی مکرراً انداخت ایلمسنک قتل قصدینه مستند اولدیغنی تأیید ایدر دلائل و امارات قاطعه موجود اولدینی حالد جرم مذکورک بوجه مشروح جنحه درجه سنه تزیل ایلمسی موافق قانون کوریه مدیکسندن بخله اعلام مذکورک تقضی استدعا ایلمشدر .

تبلیغ نامه ده دخی لایحه تمیزیه ده محرر اعتراضاتک مندرجات اعلامه نظرأ غیر وارد اولدینی بیانیله استدعا نامه مذکورک ردی لزومی بیان اولمشدر .

ایجابی لدی المذاکره جرح مذکورک آلت ناریه ایله ایقاع وطابعه سنک مکرراً انداخت اولنسنک قتل قصدینه مقررین دکر اولدینی حالد مظلون مرقومک جنحه درجه سنه محکومیه قرار اعطاسی مخالف اصول وقانون اولوب لایحه تمیزیه ده بوجه متدائر درمیان اولنان اعتراضات مندرجات اعلامه نظرأ وارد ونقض حکمی مستلزم اسباب قانونیه دن بولندیغندن اصول محاکمت جزائییه قانونک اوج یوزاون دردنجی و اوج یوز این طقوزنجی ماده لری احکامنه توفیقاً اعلام مذکورک نقضه ۹ تموز سنه ۳۲۳ تاریخده متفقاً قرار ویرلدی .

۶۹۵ نومرو لی نسخه ده مندرج درسعادت

جنایت محکمه سی اعلامنک مابعدی :

مدعی عمومیک جانبندن معطی شهود پوصله سنه اسملری محرر اولوب دعوت واقعه یه اتباعاً ورود ایتدکری خبر ویریلان کسان برربر حضور محکمه یه جیقارلدی عندالسؤال طرفیه برکونه قرابت ومناسبت و خصوصتاری اولمادیغنی وقعه مناسبتیه متهمی طانیسقلری اگلا شلمغه اصولاً امر تحایضلری بعد الاجرا مواجهه استماع اولنسدقارنده بولنردن تیه باشنده مناره زقاغنده ۶ نومرو لی موسیواغوستنک آپارتاننده قیوجی اولدیغنی سولیان یکرمی سکرز یاشنده ارکریلی دیمتری ولد یورکی وقعه یه مصادف اولان برکون علی الصباح الافرانقه ساعت یدی راده لرنده آپارتانک ایکنجی قات تردبانلرندن ایککده اولان متهمی کوروب اساساً طانیسقلرندن ۵ نومرو لی اوطه دن کلدیکنی بیان ایله قاجقه باشلامسندن وزقاق قیوسنک آجیق کورلمسندن شبه لهرک مرقومی بالتعقیب تونل جوارنده قومیسر مصطفی افندی یه دردست ایتدبره جکی انشاده متهمک موسی ایله قما تشهر ایتش ایسه ده سائر مأمورین ضابطه طرفندن طوتلیدیغنی معقب ضایعات اولوب اولمادیغنی اگلامق اوزره آپارتانه عودتله اوطه لری یوقلادیغنده ۸ نومرو ده مقیم کال افندیکن چوراب ویاظالوننک صفه ده وزدبان اوزرینه دوشمش اولدیغنی کورمکه او یومقده اولان موسی الیهی ایضاظ ایتدیکسنده اناختارلری ایله توتون طبقه سی ومندیلنک چالندیغنی ادراک ایله درحال قره غولخانه یه کیتدیکنی وکندوسی دیگر اوطه لری دخی یوقلادیغنده فلیک بورو وچکمجه سنک کوزلری قازیشدیرلمش وبر دوربینک آلتش اولدیغنی اگلامغه ضایعاتی درحال قره غولخانه یه اخبار ایتدیکسنده متهمک اوزرنده مذکور شیرلک

بولندیغنی سولیدکری متهمک اوزرنده ظهور ایدن پروالی اناختارک مأمورین طرفندن عندالتطیق آپارتانک زقاق قیوسنی سهولته آجیدیغنی ومتهم مرقومی بشقه دفعه کورمالمش ایدوکنی مضبوط افاده سی وجهله بیان وعندالسؤال متهم مرقومی مناره زقاغندن تونه قدر قوغلامش ایسه ده یناشه میوب دردش خطوه کیروندن تعقیب ایتدیکسندن کندوسنه قما کوستر مدیکنی وقاچارکن دور بینک نره سنده اولدیغنی فرق ایتدیکنی و آپارتانک زقاق قیوسی دائماً قبالی اولوب مستأجرلرده اناختار بولندیغندن آجیدقارنی و اوطه لرک قیوسی کلیدی بولندیغنی و اوکیجه موسی ایله کال افندی اونودوب اوطه قیوسنی کلیدالمش و فلیب ایسه بولمادیغنی زمانلرده تمیزلنک ایچون اوطه سی آجیق بولندیغندن خرسز کیرمش اولوب دیگر اوطه لری قبالی بولدیغنی ومتهم دیگر براوچنجی اوطه یه ده باقش ایسه ده صاحبی او یاقی اولدیغندن برشی آله مالمش ایدوکنی ومتهمی آپارتانده کوردیکی صره ده هنوز شفق سوکش اولوب الاتورقه ساعتک قاج اولدیغنی تعیین ایده میه جکی ویدیکنی شخصک حاضر بولنان متهم ایدوکنی علاوه اتیان ایلدی .

عندالسؤال متهم مرقوم اوصرده کوندوز اولوب کندوسی خانه سندن کلکده ایکن شاهد مرقومی زقاغده کوردیکی وزدبانندن ایتدیکنک اصلی اولمادیغنی سولیکه مقام ریاستدن الافرانقه ساعت یدی ده اوزمان کوندوز اولیه جنی وطوغریسنی سولیسی اخطار اولنقدقه طوغریسی بویه در دیدی .

بک اوغلی تونل موقی قومیسری اولوب اغاجامی اوکنده برخانه ده مقیم اولدیغنی سولیان قرق بش یاشنده صوفیلی حسین افندی بن سلمان وقعه یه مصادف اولان برونک صابی تونل جوارنده کی زقاقلر دن طوتک دیو برصدا ایشتمکه باقدیغنده تونل خانک یانسنده کی طار برزقادن برشخصک قرار ایدره کلکده وقوچینک دخی باشی آجیق اوله رق مرقومی تعقیب ایشتمکه وطوتک دیمکه اولدیغنی وطانیدیغنی برشخصک فراری مرقومک اوکنه کیمش ایسه ده قات تشهر ایدره کورلمش اولان شخصی کندوسی تعقیب ایدره ک نهایت ینجی زقاغنده قومیسر مصطفی افندی مرقومک اوکنه چیقمش وشخص مرقوم موسی الیه قومیسره دخی قاسنی سالامش ایسه ده جرح ایده مالمش وکندولری ده یتیشوب مرقومی طوته رق قانی لندن آلدقاری کی قره غولخانه یه کونوروب بالتحرری اوزرنده مندیل ودور بین ویرحلقه یه مربوط سکرز مفتاح ایله برده کیر اناختار بولنش ایدوکنی و اوصرده مرقوم برشی سولیدیکنی مضبوط افاده سی وجهله اخبار

وعند الاستفسار مذکور شیرل مرقومک اوزرنندن یعنی جاکنشک جینندن جقدیغنی و مرقومی طوتدقاری زمان کونشک طوغش ایدوکنی و مرقومک مقدا سلاح چکدیکنی آدمی بردها کور مدیکنی ویدیکنی شخصک حاضر بولنان متهم ایدوکنی علاوه کفتار ایلدی .

متهم مرقوم مذکور شیرلک کندوسنده جقمدیغنی سولیدی .

تونل قارشوسنده سمیدی زقاغنده موسیو طالعنک دکاننده بیتوتله بکجیلک وحاللی ایتدیکنی سولیان اوتوز ایکی یاشنده قره حصارشرقیلی محمد بن احمد دخی قیوجی دیمتری طرفندن تعقیب اولنان متهمک ینجی زقاغنه صایدیغنده اوکنه کچوب دردسته تشبث ایدن قومیسر مصطفی افندی ایله اوغراشورلر ایکن برقا بارلیدی کوردیکی افاده مضبوطه سی وجهله یاد و اوصره ده کونش هنوز طوغش ایدوکنی وموسی الیه مصطفی افندی متهمک اوکنه چیقنجه قانک پارلامسندن موسی الیه قارشو تشهر اولدیغنی اکلادیغنی ویدیکنی شخصک حاضر بولنان متهم ایدوکنی علاوه ایراد ایلدی .

متهم مرقوم ایکی دفعه کندوسی جرح ایتدیکلرندن قما طاشیدیغنی وکسنه یه چکمامش اولدینی جوابی ویردی .

دائرة امانتدن کتوردلمش اولان مذکور مندیل ایله اناختارلر ودور بین وقا وکر وطبقه اول امرده متهمه وبعده شاهدرله ارانه وسؤال ایلدکده متهم مرقوم قما ایله کمر کندوسنک اولدیغنی و دیگر شلری طانیدیغنی بیان وشهود مستمه ده مذکور اشیانک متهمه ظهور ایدن مسروق شیرل ایدوکنی اتیان ایلدیلر .

(مابعدی کلجک نسخه یه)

مارینک اورانیغنی ضرب ایتدیکنی ثابت اولدیغندن اون کون مدتله حبسنه

خلیلک انسطاشیه ایله افتالیه تشهربرسلاح ایتدیکنی ثابت اولدیغندن ایکی ماه مدتله حبسنه علقونک خلاف تنیه حرکیکی ثابت اولدیغندن بش بشلک جزای نقدی آلمسنه

پنا یوطک قسطنطنیه یه اطاله لسان ایتدیکنی ثابت اولدیغندن بر آلتون جزای نقدی آلمسنه

نصرت افندیکنک النی ضرب وجرح ایتدیکنی ثابت اولدیغندن بر هفته مدتله حبسنه

قوسقه نک ابراهیمی ضرب ایتدیکنی ثابت اولدیغندن بریچق آلتون آلتوب مضروب ویرلسنه آواماک الیاس قوسی به اطاله لسان ایتدیکنی ثابت اولدیغندن اوج کون مدتله حبسنه محمد افندیکنک اراقلی یه اطاله لسان ایتدیکنی ثابت اولدیغندن بر آلتون جزای نقدی آلمسنه

نفیسه وشکر خانلرک رضا افندیکنک خانه سنه حق دخوللری اولمادیغنی حالد کوروب اطاله لسان ایتدکری ثابت اولدیغندن ایکشیر آلتون جزای نقدی آلمسنه احمدک اسمعدی ضرب وجرح ایتدیکنی ثابت اولدیغندن اوج آلتون آلتوب اسعه ویرلسنه احمدک علیکساندرونی جرح ایتدیکنی ثابت اولدیغندن بر هفته مدتله حبسنه

خاچیکک وولتیک جرح ایتدیکنی ثابت اولدیغندن اون کون مدتله حبسنه احمد افغانک سامانی ضرب ایتدیکنی ثابت اولدیغندن بر آلتون آله رق مضروب ویرلسنه

صاوانک ماریقایی ضرب ایتدیکنی ثابت اولدیغندن بر هفته مدتله حبسنه

رفائیلک جاملری قیردیغنی ثابت اولان یوسفدن التی بشلک جزای نقدی اخذیه برابر یکرمی درد ساعت مدتله حبسنه

ابراهیمک سزائی افندی یی ضرب وجرح ایتدیکنی ثابت اولدیغندن بر هفته مدتله حبسنه یورکینک لوناریه جیلق ایتدیکنی ثابت اولدیغندن ایکی بشلک جزای نقدی آلمسنه

میچوایله یاسفک مضارب ایتدکری ثابت اولدیغندن بر هفته مدتله حبسلرینه وانکک لوناریه جیلق ایتدیکنی ثابت اولدیغندن بش بشلک جزای نقدی آلمسنه

مصطفانک محمد اطاله لسان ایتدیکنی ثابت اولدیغندن بر آلتون جزای نقدی آلمسنه رفائیلک ساعتی سقرت ایتدیکنی ثابت اولان یانینک درد ماه مدتله حبسنه وختام مدت جزائییه سنه ضابطه جه کفالتله ربطه

آریسک نشانه اطاله لسانله برابر ضرب ایتدیکنی ثابت اولدیغندن ایکی آلتون آلتوب مضروب ویرلسنه بک اوغلی بدایت محکمه سی جزا دائره سنجه قرار ویرلمشدر .

اعلانات

درسعادت استیفاف مدعی عمومیک مأموریت بره سنده : حسینی جرح و قتل ایتدیکنی ادعاسیله مظلون علیه

اولان وحال فرارده بولنان ومقدما غلطه ده چشمه میداننده بر زقاغده طول صبریه خانک اون ایکی نومرو لی خانه سنه اقامتله محل مذکورده قهوه جیلک ایدن پدیری اونیه لی حسین شکرلی افغانک یاننده قهوه جی چراغی بولنان اورته بویلی ، اورته اغز ویرولنی ، سیاه ساج وقاش وکوزلی ، و تربیقلی ، بغدای بکرلی مطروش یوزلی اون الی یاشنده اونیه لی احمدضیا حقدنه اصول محاکمت جزائییه قانونک اوج یوزیتش برنجی ماده سی موجبجه معامله متقضیه ایفا ومحاکمه غایبیه سی بالاچرا نتیجه سنه مرقومک کیجه قهوه خانه سنه شرتجی حسینی ماشا ایله قتل قصدی والمقسزین ضرب ایلدیکنی وبوضردن متأثراً مضروبک وفاتی وقوعبولدیغنی اخبارات ومعاینه راپورلری وحال فرارده بولنسی وسائر دلائل و امارات ایله ثابت اوله رق قانون جزانک یوزیتش یدنجی ماده سنک ذیلنه توفیقاً یدی سنه مدتله کورک قونکسنه و اوتوز برنجی ماده منظوقجه حقوق مدنی دن بالاسقاط اموال محجوزه سنک اصولاً اداره ایتدیرلسنه محکمه جنایتدن حکم اولمش واصول محاکمت جزائییه قانونک اوج یوزیتش یدنجی و اوج یوزیتش سکرنجی و اوج یوز سکسان برنجی ماده لیه مواد سائره سی احکامنه توفیق معامله اولنسی مرجعنه بیسیدیرلمش اولمغه مذکور اوج یوزیتش سکرنجی ماده نک جمله احکامندن اولدینی وجهله اعلان کیفیته ابتدار قلندی .

ارمناق وواهرام وعوادیس افندیلرک خانه لرندن سقرته مجاسرت ایلدکری ادعاسیله مظلون عایه اولوب حال فرارده بولنان تکفورطاغلی چولاق یانینک اصول محاکمت جزائییه قانونک مواد مخصوصه سی احکامنه توفیقاً موقوف بولنان رفیقاری کریاقو وعلقو وحرلوتوس واستاوری ایله برلکده جنایت محکمه سنه محاکمه سی اجرا قلمق اوزره قانون اتنامه قرار ویرلکسندن متهم مرقومک هر زرده کوریلورایسه طوتیلوب محکمه مذکورده توفیقخانه سنه تسلیمی لازم کلجکی بالجله ضابطه عدلیه مأمورلرینک معلومی اولق اوزره اشبو اخذو کرفت مذکروه سی درسعادت هیئت اتهامیه سندن بالتظیم اعطا قلندی .

اسکله بدایت محکمه سی مقروم دائره سنده :

خزینة خاصه شاهانه نظارت جلیله سندن حیدر یاشاده دردنجی دکان استیجار ایدن تبعه دولت علیه دن سوتنجی قوزمه ولد کریاقونک مذکور دکان بدل

ایجادن خزینه مشار الیهایی دینی اولان لیرای عثمانی یوز غروش حسابیله ایکی بیک غروشک تحصیل حقنده خزینه مشارالیه وکیلی عزتو جمال الدین بک مرقوم قوزمه علیه اسکدار بدایت محکمه سی حقوق دائره سنده اقامه ایلدیکی دعوا دن طولانی تنظیم وارسال اولنان دعوتیه یه قوزمه نك مذکور دکندن چیقوب نه طرفده اولدینی مجهول ایدوکی حقنده مباشرله کهیا مانول طرفلرندن شرح ویرلش اولدیغندن وکیل مومی الیهک وقوع بولان طلی اوزرینه اصول محاکمه حقوقیه قانونسک یکریمی التنجی ماده سی منطوقجه شهر اغستوسک یکریمی برنجی پنجشنبه کونی ساعت بشده محاکمه اجرا قلنق اوزره یازیلان دعوتنامه نك محکمه دیوانخانه سته تعلیق قلندینی و مرقوم قوزمه نك یوم مذکورده محکمه یه کلسی ویاخود بروکیل کوندرمی لازم که جک نك وعکسی حالده وکیل مومی الیهک طلیله معامله غایبه اجرا قلنه جنغک اعلاننه ابتدار اولنور .

اسکدار بدایت محکمه سی اجرا دائره سنده :

لازاراکی اکساتوپولوسک بدروس قلفه ذمتده اسکدار بدایت محکمه سی حقوق دائره سندن لاحق اولان اعلام موجبجه آلاجنی اولان معلوم المقدار مبالغک تأمین استیفاسی ضمنتده بیع بالوفاطریقیه مفروغ اولوب فروختی محکوم بولنان قاضی قریه سنده جعفر اغا محله سنده کریلوس زقاغنده دردنجی مکرر برنومروایله مرقم تخمیناً یوز اوتوزبش زراع عرصه اوزرینه مبنی طقوز اوپه و اوچ صفه وبر مطبخ وطقسان زراع قدر باغچه یی مشتمل و سنوی الی لیرا ایجاد متحمل اخشاب بر باب خانه نك تاریخ اعلانن اعتباراً اون بش کون صوکره بالمزاید فروخته تشبث اولنه جفندن اشتراسه طالب اولنلرک ودها زیاده معلومات آلق استیانلرک اسکدار بدایت محکمه سی اجرا دائره سته مراجعت ایللری اعلان اولنور .

اطنه تجارت محکمه سنده :

اطنه چارسوی کیرده یازمه تجارتیله مشغول ایکن اطنه تجارت محکمه سندن افلاسه حکم اولنش اولان آغوب بکریانک خصوصات افلاسیه سنک رؤیت و تسویه سی ضمنتده دعوی وکیللرندن لامع افندی اصالة سندیک تعیین قلنمش اولدیغندن مفلس مرقوم ذمتده آلاجنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلانن اعتباراً یکریمی بر کون ظرفنده سنداتی محکمه کاتبه تسلیم ایللری ومدت مذکورده

ختامندن صوکره اوچ کونده یعنی ۳۲۴ سنه سی تموزینک اون دردنجی یازار ایتسی واون بشنجی صالی واون التنجی چهارشنبه کونلری محکمه مذکورده نك مصالح افلاسیه رؤیته مخصوص اوپه سته کلهرک سندیک افندی مواجهه سنده آله جقلرینی اثبات وقید وتصدیق ایتدیمرملری ومدت مذکورده اثبات وجود ایدمیان آله جقلولر حقنده قانون مذکورک ۲۱۰ نجی ماده سته توفیقاً ایفای معامله اولنه جنی اعلان اولنور .

قرتال قضاسی بدایت محکمه سی اجرا دائره سنده :

بیوک اطهده ساکنه قالیوپنی بنت یانینک متوفی باغچوان قسطنطی ذمتده با اعلام محکوم به آله جنی اولان مبالغ معلومه نك تأمین استیفاسی ضمنتده مدیون متوفانک عهده سنده مقید بیوک اطهده یازنجی زقاغنده واقع طرفلری طریق و یازنجی زقاغی وحاجبی اوغلی قسطلی اولادلری ویورغو کهیا خانلری وقسطلکی دیمو اوغلی خانه و باغچه سی وجزمه لی کلینی آنکلیقو خانه سی واستفانی زوجه سی ارنی لوقانطه و باغچه و خانه سی ایله محدود سکز اوپه ومشمولات سائرینی محتوی بر باب خانه وینه مذکور اطهده آیا دیمتری محله سنده یکی زقاغده کائن وقف اولوب طرفلری النی و آرتسی و میخالا کی املاکی وطریق ایله محدود ۱۸ نومروایله مرقم بر باب فرونک تاریخ اعلانن اعتباراً اون بش کون صوکره بالمزاید فروخته تشبث اولنه جنی قرتال قضاسی بدایت محکمه سی اجرا دائره سندن اعلان اولنور .

ککبوزه بدایت محکمه سی اجرا دائره سنده :

جهت کفالتدن داریجلی پایا آندون اوغلی یاسفک دیون معلومه سنک تأمین تسویه سی ضمنتده ۷ کانون ثانی سنه ۳۱۵ تاریخنده برنجی دفعه اعلانی اجرا ایدلش اولان ناحیه مذکورده نك باطی پیکارنده واقع ۵۳ نومرولی بردونم اوچ اولک برقطعه باغ قطعاً فروخت ایدلک اوزره موقع مزایده یه وضع اولنه جفندن طالب اولانلرک ککبوزه قضاسی بدایت محکمه سی اجرا دائره سته مراجعت ایللری اعلان اولنور .

جهت کفالتدن خزینه خاصه شاهانه یه اولان معلوم المقدار بورجی تسویه ایتماش اولان ککبوزه نك طاوشانجیل قریه سندن بالبال اوغلی راسمک عهده سنده

بولنان عرب اوغلی ماصلا غنده شرقاً ادهم مفرز زیتونلکی وغرباً عثمان اوسته باغی و شمالاً برخطوه مسافده طاغ وجنوباً یول ایله محدود بردونم اون ساق زیتون اشجارینی حاوی مفرز باغ وزیتونلک ، وینه اسکی جاده جوارنده شرقاً کوچک علی اوغلی ابراهیم ترلاسی وغرباً رائف مفرز ترلاسی و شمالاً نیکی اوغلی احمد ترلاسی وجنوباً مصطفی ترلاسی ایکی اولک برقطعه مفرز ترلا ، وینه محل مذکورده سلجانیجی اوغلی شاهین ترلاسی وغرباً رائف مفرز ترلاسی و شمالاً یول وجنوباً برخطوه مسافده طاغ بریچق دونم برقطعه مفرز ترلا ، وینه محل مذکورده شرقاً مصطفی علی ترلاسی وغرباً رائف مفرز ترلاسی و شمالاً امراه ترلاسی وجنوباً یول ایله محدود بردونم برقطعه مفرز ترلا ، وینه حلاج دره قووانلق جوارنده شرقاً اشقودره لی علی ترلاسی وغرباً حاجی بالبال اوغلی اشرف ترلاسی و شمالاً رائف مفرز ترلاسی وجنوباً ایکی خطوه مسافده چاللیق بریچق دونم برقطعه باغ الیوم مفرز ترلا ، وینه کوی ایچی باغچه سنده شرقاً یول وغرباً قیاسلی اوغلی ادهم ترلاسی و شمالاً ادهم مفرز ترلاسی وجنوباً رائف مفرز ترلاسی ایله محدود اوچ اولک برقطعه مفرز ترلا ایله یینه مومی الیهک ادهم ورائف ایله برلکده مشترکاً تصرفده بولنان حلاج دره تپه ترلا جوارنده شرقاً پرچم اوغلی عاصم ترلاسی وغرباً حاجی حسن ترلاسی و شمالاً علی منلا اوغلی ابراهیم ترلاسی وجنوباً منلا محمد ترلاسی اوچ دونم برقطعه ترلا ، وینه قشله الی موقعنده شرقاً آپارتمش اوغلی حسن ترلاسی وغرباً محمد ترلاسی و شمالاً حسن ترلاسی وجنوباً برخطوه مسافده چاللیق ایکی دونم برقطعه ترلا ، وینه دیل جوارنده شرقاً مصطفی کهیا ترلاسی وغرباً دره و شمالاً حاجی قاسم اوغلی صالح ترلاسی وجنوباً قیچی اوغلی مصطفی ترلاسی اوچ دونم برقطعه ترلا ، وینه دیل اسکله سنده شرقاً یول وغرباً حاجی خلیل ترلاسی و شمالاً طاوشانلی قریه لی قوجه طاهر ترلاسی وجنوباً ایکی خطوه مسافده چاللیق سکز دونم برقطعه ترلا ده کی حصه لری تاریخ اعلانن اعتباراً اون بش کون صوکره مزایده یه وضع اولنه جفندن طالب اولانلرک ککبوزه قضاسی بدایت محکمه سی اجرا دائره سته مراجعت ایللری اعلان اولنور .